



«ԻՆՏԵՐԱԿՏԻՎ ԿՐԹՈՒԹՅԱՆ
ԶԱՐԳԱՑՈՒՄ»
ՀԻՄՆԱԴՐԱՄ



ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ
ԴԱՍԸՆԹԱՑ 2022

ՀԵՏԱԶՈՏԱԿԱՆ ԱՇԽԱՏԱՆՔ

ԹԵՄԱ

ՀԱՅԿԱԿԱՆ ԶԻՆՈՒԺԸ 1920 Թ. ԹՈՒՐԲ-

ՀԱՅԿԱԿԱՆ ՊԱՏԵՐԱԶՄՈՒՄ ԹԵՄԱՅԻ ԴԱՍԱՎԱՆԴՄԱՆ ԱՌԱՆՁՆԱՀԱՏԿՈՒԹՅՈՒՆՆԵՐԸ

ԱՌԱՐԿԱ

Հայոց պատմություն

ՀԵՂԻՆԱԿ

Սեդա Հարությունյան

ՄԱՐԶ

Արմավիր

ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆ

Արագափի Թ. Հուրյանի անվան միջն. դպրոց

ՆԵՐԱԾՈՒԹՅՈՒՆ

ԹԵՄԱՅԻ ԱՐԴԻԱԿԱՆՈՒԹՅՈՒՆԸ

1920 թ. Թուրքիան պատերազմական նախապատրաստություն էր տեսնում ՅՅ վրա հարձակվելու համար: Մ. Քեմալը հասկանում էր, որ Ռուսաստանը ևս ունի Անդրկովկասը նվաճելու ծրագիր, և ավելի իրական էր համարում Անդրկովկասի բաժանումը Թուրքիայի և Ռուսաստանի միջև: Մինչ Թուրքիան 1920 թ. սեպտեմբերից զավթում էր ՅՅ տարածքները, ԱՄՆ նախագահ Վ. Վիլսոնի Իրավարար վճռով ՅՅ-ին Արևմտյան Հայաստանից տրվելու էր 90 հազ. քառ. կմ տարածք: Ռուսաստանը իր առջև խնդիր էր դրել խորհրդայնացնել տարածաշրջանը և Թուրքիայի միջոցով խորհրդային կարգեր հաստատել նաև Արևելքի երկրներում: Թուրքիան տարածաշրջանում իր ծրագրերը փորձեց իրագործել նաև 2016 թ. ապրիլին՝ Արցախի դեմ Ադրբեջանի ձեռքով սանձազերծելով ռազմական գործողություններ, որոնք ձախողվեցին: Թուրքիայի համար նպաստավոր պայմաններ ստեղծվեցին 2018 թ. ՅՅ-ում իշխանափոխությունից հետո, երբ հասարակությունը պառակտվել էր, պաշտոններում նշանակվում էին ոչ կոմպետենտ պաշտոնյաներ, տեղի էին ունենում բանակի բարձրագույն սպայակազմի բարոյագրկում, արտաքին քաղաքականության ձախողումներ: 2020 թ. Թուրքիայի զավթողական ծրագրերի համար նոր հնարավորություններ ստեղծեց «Covid-19» համավարակը, որի հետևանքով Հայաստանը հայտնվեց ամբողջական շրջափակման մեջ:

Ընդհանրացնելով վերոշարադրյալը՝ կարող ենք փաստել, որ մեր հետազոտական թեմայի արդիականությունը, ինչպես նաև գործնական նշանակությունն ու կարևորությունը պայմանավորված է նրանով, որ մինչ օրս Թուրքիան չի հրաժարվել իր պանթուրքիզմի և պանօսմանիզմի ծրագիրն իրականացնելուց, որի իրականացման ճանապարհին հսկայական պատնեշի նման կանգնած է հայ ժողովուրդը: 44 օրյա պատերազմը, տարածաշրջանում Թուրքիայի ունեցած դերակատարումը և ներկա քաղաքական իրավիճակները վկայությունն են այն փաստի, որ հայ ժողովուրդը պետք է միշտ հիշի պատմության հերոսական դրվագները, գիտակցի իր հայրենիքի անկախության գինը և ոգեշնչվելով իր պատմության անմահ հերոսներով՝ միշտ պատրաստ լինի պահպանելու արյան գնով ժառանգությունն ստացած իր մի բուռ հայրենիքը:

Թեմայի ընտրությունը կապված է 2021թ. Արցախյան 44-օրյա պատերազմի իրադարձություններով, հայերի պատմության այս ժամանակահատվածի հերոսական իրադարձությունների նկատմամբ ունեցած հետաքրքրությամբ՝ ցանկանալով մեկ

անգամ ևս արժևորել եկեղեցի-պետություն համագործակցության արդյունքը՝ այն է հաղթական հայրենիք ստեղծելն ու պահպանելը: Ընդհանուր առմամբ Սարգսյանի հերոսամարտը հայ ժողովրդի ազատագրական պայքարի մեծագույն փայլատակումներից մեկն է, մի նոր ու հաղթական Ավարայր, որը հիմնովին կդրոշմվի պատմության մեջ և մշտապես սիրանքների կկոչի սերունդներին:

Հետազոտման նպատակը և խնդիրները:

Սույն հետազոտության նպատակն է թե ինչպես դասավանդենք «Հայկական զինուժը 1920 թ. Թուրք-հայկական պատերազմում թեմայի դասավանդումը դպրոցական դասախոսության մեթոդով» թեման դպրոցներում, առաջարկենք մեթոդներ, որոնք ավելի հետաքրքիր ու արդյունավետ կդարձնեն դասաժամը: Մեր խնդիրներն են ուսումնասիրել դպրոցական դասագրքերը, պարզել դրանց դրական և բացասական կողմերը, արդյունավետությունը, դասավանդման մեթոդները, քանզի, ցավոք սրտի, այսօրվա մեր դպրոցական դասագրքերը ունեն մի շարք խնդիրներ, որոնցից մեկը կապված է նյութի ծավալի հետ, պատմության դասագրքերում նյութի ծավալը շատ է, ինչը դժգոհություն է առաջացնում աշակերտների կողմից, ծավալի շատ լինելու պատճառով ձանձրանում են և հետաքրքրություն չեն ցուցաբերում պատմության նկատմամբ: Աշակերտը չի կարողանում հասկանալ, թե ինչպես աշխատի դասագրքի տեքստերի և փաստաթղթերի հետ, թե ինչպես առաջնային և երկրորդական տեղեկությունը ու փաստերը կարողանա միմյանցից տարբերել: Նշված նպատակի իրագործման համար սույն հետազոտության ընթացքում առաջադրվել և հետևողական լուծվել են ներքոշարադրյալ խնդիրները.

1. Զննարկման առարկա է դարձել Հայաստանը և ՀՀ զինված ուժերը 1920 թ. թուրք-հայկական պատերազմում. Առաջարկել ենք նոր մոտեցումներ «Հայկական զինուժում 1920 թ. թուրք- հայկական պատերազմում թեմայի դասավանդումը դպրոցական դասախոսության մեթոդով» թեմայի դասավանդման վերաբերյալ:

Մեթոդներ: Առաջադրված հինախնդիրների լուծման և վարկածների հաստատման համար հետազոտությունը հիմնականում իրականացվել է պատմական-շարադրական մեթոդով, որն իրենից ներկայացնում է երևույթների և իրադարձությունների վերարտադրում, դրանց ընթացքի հետազոտում՝ իրենց բնորոշ բոլոր հատկանիշներով ու առանձնահատկություններով հանդերձ: Մեթոդի հիմքում ընկած է պատմականության սկզբունքը: Արդիականացման մեթոդը նույնպես կիրառվել է, քանի որ սերտորեն կապված է համեմատական-համադրական մեթոդի հետ, համաձայն, որի ուսումնասիրելով ժամանակակից պատմական գործընթացները կարելի է դատել հեռավոր անցյալի նմանատիպ գործընթացների մասին: Ցանկացած հետազոտություն կարելի է համարել լիարժեք և գիտական այն

դեպքում, եթե դիտարկվում է նրա արդիականությունը պատմական հասարակական յուրաքանչյուր ժամանակահատվածում: Հետազոտությունը հնարավորություն տվեց հասկանալ և խոսել պատմական տեքստերի կարևորության մասին: Պատմական տեքստերը հիմք են հանդիսանում ուսուցչի համար՝ դասավանդման նյութեր ընտրելիս և մեթոդներ մշակելիս:

Տեքստերին առնչվելիս աշակերտները ընդլայնում են իրենց աշխարհայացքը, տեղեկատվական և մտավոր ունակությունները, որոնք նպաստում են ինքնուրույն հետազոտական աշխատանք իրականացնելիս:

Հետազոտության առարկան և ժամանակագրական շրջանակը: Սույն հետազոտության առարկան է հանդիսանում Հայկական գինուժի ներկայացումը 1920 թ. Թուրք-հայկական պատերազմում, թեմայի դասավանդումը, դպրոցական դասախոսության մեթոդով թեմայով առաջադրված խնդիրների դասավանդումը դպրոցներում: Հետազոտության ժամանակագրական շրջանը ընդգրկում են 1918-1920 թթ Թուրք-հայկական պատերազմում ծավալված իրադարձությունները: Հետազոտության օբյեկտը հանրակրթական դպրոցում պատմության դասավանդման արդյունավետության բարձրացման գործընթացն է:

Թեմայի կառուցվածքը և բովանդակությունը: Թեման բաղկացած է ներածությունից, մեկ գլխից, որը բաղկացած է 1 ենթագլխից, եզրակացություններից, օգտագործված աղբյուրների գրականության ցանկից:

Ներածության մեջ ամփոփ կերպով ներկայացված է թեմայի ընդհանուր բնութագիրը, թեմայի արդիականությունը, աղբյուրագիտական բազան և ուսումնասիրվածության աստիճանը, մեթոդաբանական հիմքը:

Թեմայի դասավանդման արդյունավետությունը հասկանալու և ամրապնդելու համար կարևոր է այնպիսի մեթոդական պլանի մշակում, որը հետաքրքրություն կառաջացնի աշակերտների մոտ՝ դասին ամբողջովին ներգրավվելու համար:

Նախապես ուսումնասիրելով մեթոդական գրականություն, պետք է կազմել անհրաժեշտ պլան, որով պետք է հասնել առավելագույն արդյունքի:

ԱՂԲՅՈՒՐՆԵՐԻ ՏԵՍՈՒԹՅՈՒՆ և ԳՐԱԿԱՆՈՒԹՅԱՆ ՈՒՍՈՒՄՆԱՍԻՐԿԱԾՈՒԹՅԱՆ ԱՍՏԻՃԱՆԸ:

Ուսումնասիրության համար արժանահավատ են պարբերական մամուլում տեղ գտած մի շարք հոդվածներ, պատմաբանների աշխատություններ, որոնք մեծ տեղեկություն են պարունակում Հայաստանը և ՀՀ գինված ուժերը 1920 թ. Թուրք-հայկական պատերազմում թեման պատմաքննության ենթարկելու տեսանկյունից:

Թերևս այդ տեսանկյունից կարևոր նշանակություն ունի Վ. Յ. Վիրաբյանի¹ թեմային վերաբերվող հոդվածները, ձեռնարկներն ու մի շարք աշխատությունները: Միանգամայն արժեքավոր է Է. Ա. Չոհրաբյանի աշխատությունը², որում ամբողջական ներկայացված են թեմային վերաբերող հարցադրումները և խնդիրները, չնայած հեղինակը նպատակ չի դրել միայն զինուժը ներկայացնելը: : Թեմայի արժևորման և ամբողջացման առումով դիտարկելի է նաև Ռ. Սաֆրաստյանի աշխատանքը: Ուշագրավ է Լ. Խուրշուդյանի արժեքավոր ուսումնասիրությունը , Կ. Յարությունյանի, Յովհաննիսյան Ռ., Յայաստանի Յանրապետություն աշխատությունները: Այս նյութերը մեծապես օգտակար են եղել մեր աշխատանքը շարադրելիս:

Պակաս արժեքավոր չեն ժամանակակիցների վավերագրությունները: Այս տեսակետից նախ պետք է առանձնացնել Յայաստանի Առաջին հանրապետության գործիչների հուշագրություններն ու վկայությունները: Անձամբ լինելով դեպքերի ոչ միայն ժամանակակիցը, այլև անմիջական ականատեսն ու մասնակիցը՝ Սփյուռքում հաստատված այս գործիչներն անսպառ տեղեկություններ են հաղորդում մեզ: Այս տեսակետից արժանահիշատակ են Սիմոն Վրացյանի , Ալեքսանդր Խատիսյանի , Յովհաննես Զաքազնունու , Ռուբեն Տեր-Մինասյանի , Ավետիս Ահարոնյանի , Կարո Սասունու , Վահան Նավասարդյանի , Միքայել Վարանդյանի , Ռուբեն Դարբինյանի, Գարեգին Նժդեհի, Արտաշես Աբեղյանի, Յամբարձում Տերտերյանի, Վահան Փափազյանի (Կոմս), Վարդան Գևորգյանի, Յայկ Ասատրյանի, Սարգիս Արամյանի, Օնիկ Մխիթարյանի, Նորայր Բաղալյանի, Գևորգ Երեցյանի և այլոց վկայությունները: Պակաս արժեքավոր չեն նաև ռամկավար գործիչների վկայությունները, որոնց թվում հիշատակելի են Արտակ Դարբինյանի, Արշակ Զոպանյանի, Յրաչ Երվանդի, Յովհաննես Պողոսյանի և այլոց գրվածքները:

Ժամանակակիցների թողած ոչ մեծաթիվ, բայց հետաքրքիր վավերագրեր կան նաև Յայաստանի ազգային արխիվի ֆոնդում:

¹ Վիրաբյան Վ., Ա. Եփրիկյան, Ս. Պողոսյան , Հայկական զինուժը 1914-1920 թթ., Երևան, 2020, 606

Էջ: Վիրաբյան Վ., ՀՀ պետական անվտանգության համակարգի ստեղծումը և գործունեությունը, Երևան, ԵՊՀ հրատ., 2006 թ., 288 էջ:

² Չոհրաբյան Է. Ա., 1920 թ. Թուրք – հայկական պատերազմը և տերությունները, Ոսկան Երևանցի, 1997, 366 էջ:

ԱՌԱՋԻՆ ԳԼՈՒԽ

ՀԱՅԿԱԿԱՆ ԶԻՆՈՒԺԸ 1920 Թ. ԹՈՒՐԶ-ՀԱՅԿԱԿԱՆ ՊԱՏԵՐԱԶՄՈՒՄ

ԹԵՄԱՅԻ ԴԱՍԱՎԱՆԴՄԱՆ ԱՌԱՆՁՆԱԶՏԿՈՒԹՅՈՒՆՆԵՐԸ

Գիտության և տեխնիկայի աննախընթաց զարգացումն այսօր կրթության առջև դնում է նոր պահանջներ ու մարտահրավերներ: Կրթական համակարգում տեղի ունեցող բարեփոխումները իրենց հերթին ենթադրում են նոր մոտեցումների կիրառում: Ռոնալդ Կատմության դասավանդման ընթացքում: Պատմության դասավանդման գլխավոր նպատակն է սովորողների մեջ ազգային ինքնագիտակցության ձևավորումը, պատմական անցյալի հետ ծանոթացումը, անցյալի փորձի հիման վրա՝ ներկայի ճիշտ ուղու կառուցումը, ժամանակակից աշխարհում տեղի ունեցող իրադարձությունների ճիշտ գնահատումը, զարգացած աշխարհայացք ունեցող անհատի դաստիարակումը, որը օժտված կլինի հայրենասիրությամբ, համամարդակային արժեքներով:

Ուսուցումը երկկողմանի գործընթաց է ուսուցչի և սովորողների միջև: Այն առավել արդյունավետ դարձնելու համար անհրաժեշտ է կիրառել տարբեր մեթոդներ և հնարներ՝ հաշվի առնելով սովորողների տարիքային առանձնահատկությունները, ընկալման մակարդակը: Մեթոդը հունարեն բառ է (metodos), որը բառացի թարգմանած նշանակում է ինչ-որ տեղ տանող ուղի, ճանապարհ: Մեթոդի ընտրությունը կախված է ուսուցման նպատակներից, խնդիրներից, նյութի քանակի և բարդության աստիճանից, դասարանում սովորողների թվաքանակից, ուսուցիչ-աշակերտ փոխհարաբերություններից և այլն: Առհասարակ դասի ընթացքում մեթոդի կիրառման գլխավոր խնդիրն է նախապես կազմված ուսուցման նպատակների իրականացումը: Մեթոդների բազմազանության մեջ դասանյութին համապատասխան մեթոդի ընտրությունը և կիրառումը նպաստում է սովորողների մոտ կարողությունների և հմտությունների զարգացմանը:

Ստորև կներկայացնենք թեմայի դասավանդումը դպրոցական դասախոսության դասատիպով: Քանի որ, թեման բավական ծավալուն է և տվյալ պատմական ժամանակաշրջանը նշանակալից ու շրջադարձային հայ ժողովրդի կյանքում, ուստի անհրաժեշտ է այն ներկայացնել սովորողներին առավել մանրամասն և հաղորդել շատ գիտելիքներ:

Մինչ այդ, պարզաբանենք, թե ի՞նչ է իրենից ներկայացնում դասախոսությունը:

Դասախոսությունը խոսքային մեթոդներից է, որն առաջացել է լատիներեն *lectio* բառից, որը նշանակում է ընթերցել, դասախոսել: Նրա առանձնահատկություններից մեկն այն է, որ կիրառվում է բարձր դասարաններում առավել ծավալուն՝ բարդ նյութերի ուսումնասիրության ժամանակ:

Դպրոցական դասախոսությանը նպատակն է զարգացնել սովորողների մոտ լսելու հմտությունները, վերլուծելու, գլխավորը դուրս բերելու, համառոտագրելու ընդունակությունները³:

Դասախոսությունը նպաստում է սովորողների կողմից ուսումնական նյութի ամբողջական ընկալմանը, առավել խորքային ուսումնասիրությանը, ստեղծագործական, քննադատական մտածողության զարգացմանը, սեփական մտքերի, հայացքների ձևավորմանը:

Թեմայի ուսումնասիրման սկզբում դասախոսության նպատակն է ներկայացնել ուսումնասիրվող տվյալ ժամանակաշրջանի հիմնական խնդիրների ամբողջական բնութագիրը: Դասի այս տեսակը մեծ աշխատանք է պահանջում ուսուցչից: Նա պետք է հետևողականորեն պետք է ընտրի նյութը դասախոսության համար՝ ելնելով թեմայի ամբողջական բնութագրման տրամաբանությունից⁴:

Դպրոցական դասախոսությունը հանդիսանում է դասը վարելու ավանդական դասատիպերից մեկը. չնայած դրան՝ այն այսօր էլ չի կորցրել իր արդիականությունը: Այն կիրառվում է խոսքի միջոցով, որն իր հերթին նպաստում է սովորողների երևակայության, հիշողության, մտային կարողությունների զարգացմանը: Դպրոցական դասախոսությունը ունի մի շարք պահանջներ՝ պետք է լինի գիտական, սովորեցնի մտածել, կատարել վերլուծություններ, եզրակացություններ, դասագրքի շրջանակներից դուրս ծանոթանալ որևէ այլ թեմայի հետ: Դասախոսությունը առավել արդյունավետ դարձնելու համար զուգահեռաբար կարելի է կիրառել նաև զրույցի, հարց ու պատասխանի, նկարների, քարտեզների վրա աշխատելու մեթոդները և հնարները:

Պետական ու ազգային խնդիրներ են համարվում միջազգային ասպարեզում ՀՀ կրթական համակարգի մրցունակության ապահովումը, դասավանդման նոր մեթոդների և տեխնոլոգիաների կիրառումը: Պատմության դասավանդման մեթոդները պատմության դասագործընթացում սովորողի և դասավանդողի միջև իրականացվող փոխներգործության այն ձևերն են, որոնք հնարավորություն են ընձեռում խթանելու գիտելիքների ձեռքբերումը, իմաստավորելու դրանք, զարգացնելու սովորողների կարողությունները և հմտությունները, զարգացնելու նրանց ընդունակությունները: Ուստի կիրառվող ամեն մի մեթոդ ունի իր նպատակն

³ Պապոյան Հ., Պատմության դասավանդման մեթոդիկական դպրոցում, Երևան, 2013, էջ 238

⁴ Նույն տեղում էջ 239:

ու բովանդակությունը և իրականացման միջոցները: Դասավանդման և ուսուցման մեթոդները բազմազան են՝ կախված դասավանդվող առարկայի առանձնահատկությունից, դասանպատակից ու բնույթից. նրանք միաժամանակ և նախադրյալ են, և նյութ, գործիք, և ուսումնասիրության արդյունք: Պատմության դասավանդման ամենատարածված ակտիվ մեթոդներն են.

- աշխատանք դասագրքով, օժանդակ ձեռնարկներով, սկզբնաղբյուրներով՝ պատմողական-նկարագրական, բացատրական-վերլուծական, զրույց-բանավեճ-հիմնավորում, համառոտագրում, հուշագրում, ժամանակագրական հերթագայում,
- դասի մոդելավորում և նախագծում՝ քարտեզագրում, գծապատկերում, աղյուսակներով աշխատանք, թեստավորում,
- Մեդիա կրթական-ցուցադրական՝ սահիկահանդես (power point presentation), տեսաձայնային մեդիա արտադրանք, փաստավավերագրական կամ գեղարվեստական պատմական ֆիլմերի դիտում և քննարկում, առցանց թանգարանների, պատմական հուշարձանների և կոթողների այցելություն, պատմավեպերի ընթերցում և այլն,
- գործնական, ինքնուրույն և խմբային աշխատանքներ,
- իրադրային-իրավիճակային՝
 - խաղային-ուսուցողական քեյսեր,
 - ցուցադրական-խաղարկային քեյսեր,
 - խնդրահարույց-դաստիարակչական քեյսեր:

Յուրաքանչյուր մասնակից պետք է զգա, որ իր արտահայտած միտքն արժանի է ուշադրության: Սա մտքեր արտահայտելու շահագրգռվածության պայման է: Մտքերի տարափը հերթականություն կամ չափի սահմանում չի ենթադրում: Սակայն պետք է

հետևել, որ մտքեր արտահայտելու հարցում որևէ գերակայություն չստեղծվի:

«Հայ ժողովրդի պատմություն» դասընթացի նորագույն շրջանի 9-րդ դասարանի ուսումնական պլանում ընդգրկված «1920 թ. հայ-թուրքական պատերազմը: ՀՀ անկումը» թեման ուսուցանելու համար պետական պլանավորմամբ տրամադրվում է 1 դասաժամ: Քանի որ թեման բավականին ընդգրկուն է, ուսուցիչը պետք է ուշադրություն դարձնի առավել կարևորագույն հարցերին, որպեսզի կարողանա հնարավորինս մատչելի դրանք մատուցել աշակերտներին: Այս նպատակով ուսուցիչը, բացի ուսուցչի ձեռնարկից, նախօրոք ուսումնասիրում է տարբեր հեղինակների աշխատությունները :


Թեման ուսուցանելուց առաջ պետք է վերհիշել Հայաստանի առաջին Հանրապետության կազմավորումը, այն դժվարին ճանապարհը, որ նա անցավ իր պետականության վերականգնման համար: Հայ ժողովուրդը իր հազարամյակների պատմության ընթացքում ինքնությունը պահպանելու համար հարկադրված է եղել ընդդիմանալ արևմուտքից և արևելքից իրեն շրջապատող հզոր տերությունների հարձակումներին: Փոխվել են աշխարհակալ տերությունները, բայց անփոփոխ են մնացել Հայաստանը գրավելու, իրենց միաձուլելու նրանց ձգտումները: Անհավասար այդ պայքարում հայ ժողովուրդը թեպետ հաճախ զրկվել է անկախ պետականությունից, բայց պահպանել է իր ազգային նկարագիրը: Կորցրել է պետականությունը, սակայն երբեք չի համակերպվել այդ վիճակին, մշտապես մաքառել է պետականությունը վերականգնելու համար: Եվ հատկանշական է, որ մեր պատմության նորագույն շրջանը դարձավ հայկական պետականության դարաշրջան: Ուսուցիչն ավելացնում է, որ չնայած Սարդարապատի հերոսամարտով կյանքի կոչվեց Հայաստանի առաջին Հանրապետությունը, սակայն նա, ցավոք սրտի, ծանր ժառանգություն էր ստացել: Առաջին աշխարհամարտի տարիներին կազմալուծվել, քայքայվել էր տնտեսությունը, երկիրը լցվել էր ցեղասպանությունից մազապուրծ հազարավոր գաղթականներով, շարունակվում էին ճնշումները Ռուսաստանի և Թուրքիայի կողմից: Անկախություն ձեռք բերած հանրապետությունը փորձեց վերականգնել երկրի տնտեսությունը, մշակույթը, կարգավորել միջազգային հարաբերությունները, սակայն չհասցրեց մեծ բարեփոխումներ կատարել, քանի որ 1920 թվականի թուրք-հայկական պատերազմը արագացրեց Հայաստանում խորհրդային կարգերի հաստատումը: Համոզվելով, որ աշակերտները ներկայացվածը ընկալել են ամբողջությամբ, ուսուցիչը շարունակում է՝ նշելով, որ հայ-թուրքական պատերազմը պատճառ հանդիսացավ Հայաստանի տարածքային կորուստների, Ալեքսանդրապոլի պայմանագրի, Երևանի հայ-ռուսական բանակցությունների և 1920 թվականի դեկտեմբերի 2-ի համաձայնագրի: Նշում է, որ այս պատերազմը ճակատագրական եղավ հայ ժողովրդի համար: Վերջինս կորցրեց հերոսական պայքարի արդյունքում ձեռք բերված անկախությունը: Կարևորում է այն, որ այս պարագայում Հայաստանը չունեի այլընտրանք և կողմնորոշվեց դեպի խորհրդային կարգերը: Դասի ընթացքում ուշադրություն է դարձվում հետևյալ կետերին .

1. Հիմնական հարցեր - 1920 թվականի թուրք-հայկական պատերազմը - Ալեքսանդրապոլի պայմանագիրը - Երևանի հայ-ռուսական բանակցությունները և 1920 թվականի դեկտեմբերի 2-ի համաձայնագիրը
2. Նպատակը և խնդիրները ա. Կրթական իմանա. - թուրք-հայկական պատերազմի, Ալեքսանդրապոլի պայմանագրի, Հայաստանի

խորհրդայնացման մասին, պատմական կարևոր տարեթվերը՝ 1920 թվականի սեպտեմբերի 23, 1920 թվականի հոկտեմբերի 30, 1920 թվականի դեկտեմբերի 2, 1920 թվականի դեկտեմբերի 2, լույս 3-ի գիշեր, պատմաաշխարհագրական և պատմական գործիչների անունները՝ Կարս, Ալեքսանդրապոլ, Սուրմալու, Սիմոն Վրացյան, Զյազիմ Կարաբեքիր, Ալեքսանդր Խատիսյան: կարողանա. կարողանա. - բացահայտել թուրք-հայկական պատերազմի պատճառները, վերլուծել Ալեքսանդրապոլի պայմանագիրը, գնահատել հայ ժողովրդի որոշումը՝ կողմնորոշում դեպի խորհրդային կարգերը ք. Դաստիարակչական - գիտակցել հայ ժողովրդի պայքարի դերն ու նշանակությունը, արթնացնել հայրենասիրական զգացմունքներ, ատելություն սերմանել բռնության ցանկացած դրսևորման, կրոնական ու ազգային ճնշումների ու հալածանքների նկատմամբ, գնահատել և արժևորել 1920 թվականի դեկտեմբերի 2-ի որոշումը՝ Հայաստանում խորհրդային կարգերի ընդունման մասին: գ. Չարգացող - զարգացնել սովորողների մտածողությունը, ընդլայնել նրանց մտահորիզոնը, հարցերի միջոցով կենտրոնացնել նրանց ուշադրությունը, նպաստել նրանց մտքի, կամքի, վճռականության և համառության զարգացմանը:

3. Հիմնական հասկացություններ և առանցքային գաղափարներ «դաշնակից» երկրներ, կոալիցիոն կառավարություն, 11-րդ Կարմիր բանակ, խորհրդային կարգեր, ՀՍԽՅ, Հայիեդկոմ
4. Ուսումնադիտողական պարագաներ Դասագիրք, պատմության տետր, քարտեզ՝ՀՀ-ն ըստ Ալեքսանդրապոլի պայմանագրի (1920թ.), հատվածներ ՌԽՖՍՀ և ՀՀ համաձայնագրից (1920 թ. դեկտեմբերի 2)
5. Ներառարկայական և միջառարկայական կապեր (ներառարկայական կապերը նպաստում են նույն դասընթացի շրջանակներում սովորողների գիտելիքների ամրապնդմանը, իսկ միջառարկայական կապերը օգնում են տարբեր դասընթացների միջև նմանություններն ու տարբերությունները բացահայտելուն, մասնավորապես՝ օգնում են տեսնել հայոց պատմության և համաշխարհային պատմության առնչությունները): Հայոց պատմություն <<Հայաստանի Հանրապետության անկումը>> (9-րդ դասարան), Նորագույն պատմություն , <<Հայ -ռուսական հարաբերությունները: Հայաստանի Հանրապետության անկումը >> (9-րդ դասարան), Հայոց պատմություն <<Հայաստանի առաջին հանրապետությունը>> (11 -րդ դասարան):
6. Դասատիպեր Նոր նյութի ուսումնասիրում, դասախոսություն, գործնական պարապմունք

7. Ուսուցման մեթոդներ, հնարներ: Աշխատանք սկզբնաղբյուրի հետ, մտագրոհ, աղյուսակ, ինքնուրույն աշխատանք
8. Դասի ընթացքը: Դասն սկսվում է թուրք-հայկական պատերազմի մասին ուսուցչի ներածական գրույցով, որի ընթացքում աշակերտները հետևում են ուսուցչին և փորձում առանձնացնել նրա խոսքում շեշտված կարևոր մտքերը: Այնուհետև, անցկացվում է մտքերի համադասարանական գեներացիա՝ մտագրոհ, «մտքերի տարափ» թուրք-հայկական պատերազմ գաղափարի շուրջ:



Սլաքների մոտ գրառվում են հայ-թուրքական պատերազմին վերաբերվող աշակերտների կողմից արտաբերված բոլոր բառերը, թվերն ու արտահայտությունները (1920թ., կարմիր բանակ, քեմալական շարժում, դեկտեմբերի 2, լույս 3-ի գիշեր և այլն): Ուսուցիչը հնարավորություն է տալիս արտահայտվելու բոլոր ցանկացողներին: Եթե որևէ մեկը դժվարանում է մտքերը հստակ արտահայտել, ուսուցիչը կարող է օգնող հարցեր տալ (որո՞նք էին հայ-թուրքական պատերազմի պատճառները, ի՞նչ հետևանք այն ունեցավ Հայաստանի համար, ի՞նչ տարածքներ կորցրեց Հայաստանը պատերազմի ընթացքում և այլն), հուշել անհրաժեշտ բառը կամ բառերը: Այնուհետև կատարվում է գրառված բառերի, արտահայտությունների խմբավորում և մտքերի փոխանակում, որից հետո դասարանը բաժանվում է 4-5 խմբի, և աշխատանքը շարունակվում է համագործակցային փոքր խմբերով: Խմբերն ընթերցանության միջոցով ծանոթանում են «Ալեքսանդրապոլի պայմանագիրը, 1920 թվականի դեկտեմբերի 2-ի հայ-ուսական համաձայնագիրը» հարցի բովանդակությանը, առանձնացնում կարևոր մտքերն ու գաղափարները, կազմակերպում քննարկում: Յուրաքանչյուր խումբ արտահայտում է իր կարծիքը թուրք-հայկական պատերազմ տվյալ հարցի շուրջ, կատարվում է մտքերի փոխանակում: Խմբային քննարկումից հետո ուսուցիչը ամփոփում է կատարած աշխատանքը: Ամփոփումը կատարվում է հարցերի և «Բաթումի և Ալեքսանդրապոլի պայմանագրերը» համեմատական աղյուսակի միջոցով:

Համեմատության հարցեր	Բաթումի պայմանագիրը	Ալեքսանդրապոլի պայմանագիրը
Տարեթիվը		
Տարածքները, սահմանները		
Զորքը		
Արձագանքներ		

Այս աշխատանքից հետո կատարվում է գնահատում: 9. Տնային առաջադրանք Լրացնել T-աձև աղյուսակ՝ նշելով Ալեքսանդրապոլի պայմանագրի դրական և բացասական կողմերը:

դրական	բացասական

Այսպիսով, «1920 թ. հայ-քուրքական պատերազմը: ՀՀ անկումը» թեման ուսուցանելիս պետք է առավել կարևորել հայ-թուրքական պատերազմի պատճառները, Հայաստանի տարածքային կորուստները, 1920թ. Հայաստանի խորհրդայնացումը, Ալեքսանդրապոլի պայմանագրի նշանակությունը Հայաստանի կյանքում և այլ հարցեր, ուսուցանել Առաջին հանրապետության, հայ ժողովրդի պատմության մեջ նրա ունեցած տեղի ու դերի և կործանման իրական պատճառների մասին:

Եզրակացություն

Հայկական գինուժը 1918-1920 թթ. անցել է ձևավորման ու կայացման դժվարին ուղի՝ փորձելով հաղթահարել մի շարք խնդիրներ:

Հայաստանի անկախության հաստատման պահին հայկական զորքը կազմված էր առանձին Հայկական կորպուսից և կորպուսի իրավունքներ ունեցող Հատուկ ջոկատից: Ինչպես կորպուսը, այնպես էլ ջոկատը Անդրկովկասի փլուզմամբ դուրս եկան Կովկասյան բանակի հրամանատարության ենթակայությունից և դարձան ինքնուրույն միավորներ, ընդ որում կառավարության դեր կատարող Ազգային ժողովի համաձայնությամբ ղեկավարությունն անցավ կորպուսի հրամանատարին:

Հայոց անկախ պետականության կայացման ամենագործող օղակներից մեկն անկասկած ազգային բանակն էր և հնարավորի դեպքում՝ հաշվարկված արտաքին քաղաքականությունը, որը միշտ չէ, որ արդարացված էր: Հանրապետության ղեկավարությունը և հասարակական-քաղաքական շրջանակները քաջ գիտակցում էին Հայաստանի աշխարհաքաղաքական բարդ իրավիճակը: Ոչ բարեկամ հարևանների առկայությունը՝ մի կողմից, տարածաշրջանը մեծ տերությունների հետաքրքրությունների ու շահերի բախման օբյեկտ լինելը՝ մյուս կողմից, և դրան գումարած հոսսալի դաշնակիցների բացակայությունը ինքնըստինքյան հուշում էին, որ նորանկախ Հայաստանի պետական ու ազգային անվտանգության միակ հոսսալի երաշխիք կարող էր լինել սեփական լավ պատրաստված, կարգապահ ու մարտունակ ազգային բանակը:

Հայաստանն այդ պատերազմը տանուկ էր տվել դեռ մինչև նրա սկսվելը, տանուկ էր տվել դիվանագիտական հողի վրա:

Սկսվեց պատերազմը, և իսկույն պարզ դարձավ, որ Հայաստանը միայնակ է, չունի բարեկամ, չունի դաշնակից: Նա փակօղակված էր երեք կողմից մահմեդական ծով ալիքով: Իսկ Հյուսիսում Վրաստանն էր, որը ոչ միայն օգնության չհասավ, այլև գերադատեց օգավել Հայաստանի նեղ դրությունից՝ տարածքային նվաճումներ կատարելու համար:

Դպրոցներում շատ կարևոր է, որպեսզի հնարավորինս չափ մատչելի ու հասկանալի անցնեն թեման, կարևոր է, որպեսզի կարողանանք սովորողների մոտ առաջացած հարցերին տալ հստակ պատասխան⁵:

Սովորողները գիտակցեն ու հասկանան տվյալ հարցի կարևորությունը ու նշա-

⁵ Պապոյան Հ., Պատմության դասավանդման մեթոդիկական դպրոցում, Երևան, 2013, էջ 238

նակութիւնը: Ուսումնասիրելով դպրոցական դասագրքերը ցավոք սրտի պէտք է նշենք, որ թեման այնքան էլ ճիշտ չէ ներկայացված: Կան մի շարք թերութիւններ, որոնց մասին մենք արդէն անրադարձել ենք: Սովորողներին ոչ միայն պէտք է տալ պատմական գիտելիքներ, այլև նրանց մոտ ձևավորել պատմական երևույթները ճիշտ հասկանալու ու մեկնաբանելու կարողութիւն: Թույլ տալ, որպէսզի նրանք ազատ մտածեն, և հասկանան դասավանդվող թեման: Սովորեցնել, որ պէտք է դուրս գալ զոհի կերպարից, զոհի կերպար ընդունելով՝ ոչ ոք մեզ չի լսի և հարցերին լուծում չի տրվի:

Այլևս երբեք պէտք չէ ակնկալել օտար տերութիւններից օգնութիւն, քանի որ մեր

պատմութիւնը բազմիցս ապացուցել է, որ մենք տուժել ենք հենց այդ ակնկալումից:

Պէտք է մեր խնդիրների լուծումները փնտրենք մեր մեջ և հույս չդնենք ոչ մի պետության վրա, ունենանք ազգային շահ հասկացութիւն, մտածենք ամեն ինչ անել, որպէսզի մեր հայրենիքը միայն շահի մեր գործունեութիւնից: Դառնանք ոչ թե ենթարկվող ազգ, այլ՝ ենթարկող:

Ինչպէս արդէն նշել ենք, պէտք չէ դպրոցական դասագրքերում թեմանանցնելիս միայն ծավալին ուշադրութիւն դարձնել, այլ ոչ՝ բովանդակութեանը:

Շատ կարևորը է, որպէսզի դասավանդման մեթոդներին նույնպէս ուշադրութիւն դարձվի: Եվ ավելի շատ կիրառվի ինտերակտիվ մեթոդներ, որոնց շնորհի սովորողը ավելի ակտիվ կդառնա: Դասընթացի ընթացքում, սովորողներին հնարավորութիւն տալ օգտվել գիտական գրականութիւնից, բացի դասագրքում տրված բուն նյութից, պահանջել համպատասխան տեղեկութիւն ձեռք բերել տվյալ թեմայի շրջանակներում:

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

1. Եփրիկյան Ա., Պատմության դասավանդման արդի մեթոդներ և տեխնոլոգիաներ, Երևան, ՎՄՎ-Պրինտ, 2021. 336 էջ:
2. Չոիրաբյան Է. Ա., 1920 թ. Թուրք - հայկական պատերազմը և տերությունները, Ոսկան Երևանցի, 1997, 366 էջ:
3. Վիրաբյան Վ. և ուրիշ., Հայկանան զինուժը 1914-1918 թթ., Լուսակն հրատարակչություն, Երևան, 2020, էջ 231:
4. Վիրաբյան Վ., Ա. Եփրիկյան, Ս. Պողոսյան Հայկական զինուժը 1914-1920 թթ., Երևան, 2020, 606 էջ:
5. Վիրաբյան Վ., ՀՀ պետական անվտանգության համակարգի ստեղծումը և գործունեությունը, Երևան, ԵՊՀ հրատ., 2006 թ., 288 էջ:
6. Վիրաբյան Վ., Հայ-վրացական ռազմաքաղաքական հարաբերությունները 1918-1921 թթ., մենագրություն, Երևան, ԵՊՀ հրատ., 2016. - 842 էջ :
7. Վիրաբյան Վ., Հայաստանի Հանրապետության պետական անվտանգության համակարգի ձևավորումը և գործունեությունը 1918 - 1920 թթ., Հետախուզություն, բանակ և ՆԳՆ, Մենագրություն, Երևան, ԵՊՀ հրատ., 2015, 746 էջ:
8. Վիրաբյան Վ., Հայաստանի հանրապետությունը 1918-1920 թթ., Ուսումնական ձեռնարկ բուհերի համար: ԵՊՀ հրատ., Երևան, 2011 թ., 204 էջ:
9. Վիրաբյան Վ., Հայոց պատմություն, Ուսումնական ձեռնարկ, Ճարտարագետ հրատ., Երևան, 2013, 160 էջ:
10. Վիրաբյան Վ., Հայոց պատմության հիմնահարցերի շուրջ /աշխատություն/ - Երևան, «Լուսակն» հրատ., 2007թ., 100 էջ:
11. Վիրաբյան Վ., Հայկական հետախուզությունը Առաջին հանրապետության տարիներին

Ռուսերեն

1. Азатян Г. Г.. Судьбоносные договора. Ереван, 2000; Р. Казанджян. К вопросу об оценке Московского русско-турецкого договора 1921 г.-

Մերձավոր և Միջին Արևելքի երկրներ և ժողովուրդներ, XX,
Երևան, 2001,

«Правда Армении», 6. XI. 1998; 14. XI. 1998; «Голос Армении», 26.
IV. 2001

2. Берелковский И. В., Павлов Л.С., Методика преподавания истории в школе, М., 2001, 336 էջ:
3. Борьян Б. А.. Армения, международная дипломатия и СССР. Ч. II, М.—Л., 1929,
4. Вяземский Е. Е., Стрелова О.Ю., Методика преподавания истории в школе, М., 2001, 180 էջ:
5. Геноцид армян: ответственность Турции. ..., т. 2, ч. I том, 878, 883, с. 220,
6. НКАО ССР, 1918-1925, документы материалы, Баку, 1999, с. 42.

Պարբերականներ

1. ՀԱԱ, ֆ , «Մշակ», 1 հոկտեմբերի, Թիֆլիս, 1920 թ.:
2. ՀԱԱ, ֆ , Մշակ, 5 նոյեմբերի, 1920 թ.:
3. ՀԱԱ, ֆ. «Ժողովուրդ» (Երևան), 15 նոյեմբերի, 1918, N 32:
4. ՀԱԱ, ֆ, «Մշակ», 16 սեպտեմբերի, 1920 թ.
5. ՀԱԱ , ֆ .Մշակ , 17 հուլիսի, 1920 թ.:
6. «Ուրբաթ» (շաբաթաթերթ), Ե., 25. 05. 1990, ՀԱԱ, ֆ. 199, ց. 1, գ. 27, թ. 128:
7. ՀԱԱ, ֆ. «Չանգ», Երևան, 20 փետրվար